

AQILLI SHAXAR QURISH TAMOYILLARI

*Jumanova Zuxra Muhammad Al-Xorazimiy
 nomidagi Toshkent Axborot texnologiyalar
 universiteti Nurafshon filiali Kompyuter
 injiniring fakulteti o'qituvchisi
 Rajabova Odina
 Nurafshon filiali Kompyuter
 injiniring fakulteti 310-21 guruh talabasi*

Anotatsiya

Ushbu maqolada “aqli shahar” kontsepsiysi asosiy tamoyillari, maqsad va vazifalari keltirilgan. Dunyoning megapolis shaharlarida aqli shahar tamoyillari tahlil qilingan va tegishli xulosalar berilgan.

Kalit so’z; aqli shahar, aqli transport, aqli tibbiyat, aqli ta’lim, aqli uy aqli hisoblagich

Vazirlar Mahkamasining «Aqli shahar» texnologiyalarini joriy etish konsepsiysi va 2019– 2021 yillarda uni amalga oshirish bo‘yicha 18.01.2018 yildagi 48-sonli qaroriga binoan amaliy chora-tadbirlar rejasi tasdiqlandi. Mazkur tizim orqali shahar ichidagi jarayonlarni boshqarish soddalashtiriladi va aholining turmush darajasi yaxshilanadi. Konsepsiada qayd etilishicha, shaharlar va AKT infratuzilmalarining rivojlanmaganligi, sezilarli darajada jismonan va ma’nan eskirganligi «Aqli shahar» texnologiyalarini samarali joriy etishga to’sqinlik qiluvchi asosiy muammolardan biridir. Bularning hammasi telekommunikatsiya tarmoqlarini modernizatsiya qilish chora-tadbirlarini ko‘rish, shaharlar infratuzilmasini rekonstruksiya qilish uchun yirik investitsiya manbalarini izlashni talab etadi. Konsepsiyanı ishlab chiquvchilarning ta’kidlashicha, jahon amaliyotida davlat-xususiy sheriklikni yo‘lga qo‘yish, ijtimoiy ahamiyatga ega vazifalarni hal etishga xususiy biznesni jalb etish orqali ushu muammolarni hal qilish yo‘llari ishlab chiqilgan. «Aqli shahar» tushunchasiga yondashuvlar xilma-xil, biroq u doim texnologiyalar bilan boyitilgan aholi yashash punktini anglatadi. Bunday texnologiyalarning mohiyati tushunarli – qurilmalar o‘zaro aloqada tashqi olam bilan inson ishtirokisiz, biroq uning farovonligi yo‘lida xizmat qiladi. Oddiy misol – tabiiy yorug‘lik yetishmaganida ishga tushadigan ko‘cha yoritgichi.

Aqli shaharlarning maqsadi – shaharliklar hayotini qulayroq va xavfsizroq qilish, shuningdek, shahar moliya mablag‘lari va hududini tejashdan iborat. Masalan, aqli fonuslar bilan shahar ko‘chalari tunda ham xavfsiz, biroq elektr energiyasi uchun

minimal miqdorda pul sarflanadi: qorong‘i tushmaguniga qadar u bekorga yonib turmaydi.

Kelajakning ideal aqli shahrida har bir qadamda aholini texnologiyalar kutib oladi, ular yagona ekotizimni hosil qiladi va inson hayotining barcha jihatlari uchun javob beradi: jamoat transportida harakatlanishdan tortib, chiqindining qayta ishlanishigacha.

Shaharni nima aqli qiladi? Ma'lumotlarning yagona bazasi turli axborotni kerak bo'lganida bir-biri bilan taqqoslashi va undan foydalanishi mumkin. Masalan, qutqaruv xizmatiga qo'ng'iroq qilinganida jabrlangan kishining joylashgan joyi haqida, kasalxonaga yotqizilganida esa – uning tibbiy daftarchasi haqida ma'lumot olish mumkin. Ko'chada kimdir to'pponchadan o'q uzganida esa axborot gumonlanuvchi shaxsning kameradan olingan rasmi bilan avtomatik tarzda politsiyachilarga kelib tushishi mumkin.

Universal shahar ilovasi. Shaharliklar uchun kerakli barcha ma'lumotlar ilovada birlashtirilishi mumkin. U orqali aqli shaharda yashaydigan kishi taksi chaqirishi, to'lovlarni amalga oshirishi, hukumat vakillariga yo'ldagi o'nqir-cho'nqir joylar haqida xabar berishi, aynan shu fursatda shaharning qaysi qismida tirbandliklar va to'xtash joyidagi bo'sh o'rinalar haqida bilib olishi mumkin. Aynan shunday dastur hozirda Chikagoda ishlaydi. **Aqli to'xtash joylari;** Amerika intellektual transport jamiyatni tadqiqoti shuni ko'rsatdiki, tirbandliklarning 30 foizi avtomobil ishqibozlarining to'xtash joyini uzoq qidirishi natijasida paydo bo'lar ekan. Aqli shahar konsepsiysi esa bu jarayonni ilova yordamida osonlashtiradi. Maxsus datchiklar to'xtash joyi vaqtini soniyasigacha aniqlikda o'chay oladi: pul miqdori ham kartadan avtomatik ravishda yechib olinadi. To'xtash joyi sensorlaridan AQSh va Yevropaning ko'plab joylarida foydalanishadi: tizim birinchilardan bo'lib Parij va Kanzas-Sitida tatbiq etilgan.

Aqli yoritgich, Biz qorong‘u tushganida ishga tushadigan ko'cha fonuslari haqida aytdik. Biroq aqli uy konsepsiysi bundan ham qiziqroq ssenariylarni ko'zda tutadi. Masalan, Amerikaning San-Antonio shahrida yomg'irdan keyin transport arteriyalari bo'ylab qo'yilgan fonuslar yorug'roq nur taratadi. Shu tariqa haydovchilar sirpanish ehtimoli yuqori bo'lgan yo'lni yaxshiroq ko'ra olishadi.

Quyosh batareyalari. Ekologiya haqida qayg'urish – aqli shaharning muhim bandi, shuning uchun deyarli barcha loyihalarda elektr energiyasini olishning muqobil variantlariga ahamiyat berilgan. Shaharga tegishli va xususiy quyosh batareyalari ixcham yechim sanaladi. Masalan, aqli Fudzisava shahrida(Fujisawa Sustainable Smart Town) ana shunday panellar deyarli har bir uyda o'rnatilgan.

Aqli jamoat transporti, Harakatlanish intervali – aqli shaharda avtobuslar haqida olish mumkin bo'lgan axborotning hammasi emas. Bunday texnologiyalar

Rossiya shaharlarida ham rivojlangan. Masalan, Moskvada to‘xtash joylari tablolarida kerakli mashina qancha vaqtidan keyin kelishi ko‘rsatiladi.

Yong‘inga qarshi datchiklar, Aqli shahar qurilmalar odatiy tutun datchiklari kabi ishlamaydi. Aniqrog‘i, Amerikadagi Luisvill misoli shuni ko‘rsatadiki, aqli datchiklar klassik datchiklar bilan bir juftlikda ishlaydi. Ulardan yong‘in chiqish xavfi bo‘lgan tashlandiq binolarda foydalanishadi. Bunday qurilmalarda quyosh batareyasi, mikrofon va aloqaning oddiy moduli bo‘ladi. Mikrofonga odatiy datchik sirenasi kelib tushganida yong‘in haqida o‘t o‘chiruvchilar va qo‘snilarga xabar beriladi. **Aqli chiqindi idishlari** Eng mashhur misol – Amerikada o‘rnataladigan Bigbelly idishlari. Ushbu konstruksiya tufayli ular atrof-muhitni ifloslantirmaydi, ularda kemiruvchilar ko‘paymaydi, biroq eng muhimi - to‘lganida chiqindini olib ketish xizmatiga ularning o‘zi xabar beradi.

Aqilli shahar xususiyatlari quyidagilardan iborat:

- Mobillik;
- Hayot sifati;
- Urbanizatsiya;
- Aqilli texnologiyalar;
- Shaxslashtirish;
- Infratuzilmani modernizatsiya qilish;
- Virtuallashtirish;
- Ijtimoiylashtirish.

Aqli shahar texnologiyasini qo‘llash shahar oqimlarini boshqarishni yaxshilash va murakkab muammolarga tezkor javob berish uchun ishlab chiqilmoqda. Shunday ekan, “aqli shahar” fuqarolar bilan oddiy “operativ” munosabatlardan ko‘ra muammolarni hal qilishga ko‘proq tayyor. Biroq, atamaning o‘zi, o‘ziga xosligi bilan noaniq bo‘lib qolmoqda va shuning uchun ko‘plab sharhlar va munozaralarga duchor bo‘lib kelmoqda. Aqli shahar ta’rifi mutaxassislar tomonidan noaniq talqin qilinadi. Shunga qaramay, ularning formulalari bir narsaga mos keladi: aqli shahar ma’lumotlarga asoslangan va ma’lumotlarni boshqarish orqali aholining hayot sifatini yaxshilash imkonini beradi. Ma’lumotlar fuqarolar hayotining xavfsizlik, transport, tibbiy xizmatlar, kommunal xizmatlar, obodonlashtirish va boshqalar kabi sohalarini qamrab oladi. Ma’lumotlar manbalari qatoriga videokameralar, turli rusumdagagi sensorlar, axborot tizimlari va boshqalarni ifodalasa bo‘ladi. Mamlakatimizda aqli shahar ekotizimini yaratish bo‘yicha keng ishlar olib borilmoqda, buning natijasida shahar infrastrukturasi yagona markazlashgan aqli shahar infrastrukturasiga o’tkazilishi mamlakatimizning ustuvor vazifalaridan sanaladi.

Shunday qilib, O‘zbekistondagi “aqli” shahar inqirozli vaziyatlarni boshqarish, monitoring qilish va ularga javob berish markaziga ega yagona tizimdir. O‘zbekistonda “aqli” shaharlarni rivojlantirish bo‘yicha rejorashtirilgan chora-tadbirlarning amalga

oshirilishi aholi xavfsizligi darajasini oshirishga, jinoyatchilik darajasini pasaytirishga, mamlakatning turizm salohiyatini yuksaltirishga, investitsiya muhiti va davlat tomonidan ko'rsatilayotgan xizmatlar sifatini yaxshilashga olib keladi.

Foydalanilgan adabiyatlar

1. Abdullaev O.M., Fattaxov A.A., K.Axmedov. Raqamli iqtisodiyot. T.: —LESSON PRESS, nashryoti 2020 yil - 686 bet
2. Giffinger R., Fertner C., Kramar H., Kalasek R., Pichler-Milanovic N., Meijers E. Smart Cities - Ranking of European Medium-Sized Cities [Электронный ресурс]. URL: http://www.smart-cities.eu/download/smart_cities_final_report.pdf (дата обращения: 11.02.2014).
3. Isamuxammedova D.U., IsmoilovA.T., XotamovA.T. Injenerlik obodonlashtirish va transport. Darslik. «ALOQACHI» nashriyoti, Toshkent.: 2009. 230 b.
4. Шукuroв И.С., Луняков М.А., Халилов И.Р. Организация инженерно-технического обустройства городских территорий. Издательства АСВ, Москва. 2015, 440с.